



# NEWSLETTER BR. 29

MART 2017

## SADRŽAJ

### FIPA AKTIVNOSTI ≡

- » FIPA: PREDSTAVNICI PRIVREDE MEKSIKA PO PRVI PUT U BIH
- » FIPA i Gradska uprava Grada Sarajeva : Samo zajednički rad na promociji investicija garantira uspjeh
- » FIPA-MIP : Investitori i turisti iz Indije iskazuju interes za Bosnom i Hercegovinom
- » Investitori iz Kuvajta posjetili FIPA-u
- » FIPA: Ostvareni prvi kontakti sa predstavnicima Južnoafričke Republike
- » Biznis forum FIPA-e i Svjetskog saveza dijaspore BiH
- » Stvaranje novih radnih mjesta prioritet FIPA-e
- » FIPA organizirala prezentaciju o najsavremenijoj tehnologiji tretiranja otpada sa fokusom na „Plazma tehnologiju“
- » Novoimenovani ambasador BiH u Australiji posjetio FIPA-u
- » Održan radni sastanak sa bh. privrednicima na temu: „Reinvestiranje u sektore voća i povrća u BiH“
- » FIPA učestvuje na Međunarodnom privrednom sajmu EXPO Rusija – Balkan 2017
- » MILINIĆ-GELO: Fokus na privlačenju investicija iz Italije
- » Predsjednik UO Privredne komore Švedske u BiH u FIPA-i

### POSLOVNE VIJESTI ≡

- » Švedski Kavat širi proizvodnju u BiH
- » Svjetski gigant žAccorHotels' stiže u BiH i otvara hotel u Tarčinu
- » Izgradnja tvornice B-Spring u Livnu

# FIPA AKTIVNOSTI ≡



FIPA: PREDSTAVNICI PRIVREDE MEKSIKA PO PRVI PUT U BIH



FIPA UČESTVOVALA NA TRILATERALNOM PRIVREDNOM FORUMU KRALJEVINA SAUDIJSKA ARABIJA-SRBIJA-BOSNA I HERCEGOVINA ≡



...I JOŠ FIPA AKTIVNOSTI...



## FIPA: PREDSTAVNICI PRIVREDE MEKSIKA PO PRVI PUT U BIH



Agencija za unapređenje stranih investicija BiH (FIPA) po prvi put do sada u BiH dovela je predstavnike privrede Meksika i ambasadora Meksika i tim povodom organizirala poslovni susret na temu „Mogućnosti poslovanja između Meksika i Bosne i Hercegovine“ 31. marta 2017 u Sarajevu.

Na ovaj način FIPA nastoji doprinijeti promociji Bosne i Hercegovine u ovom dijelu svijeta, inicirati prve kontakte i razmjenu informacija, a potom organiziranje posjeta privrednih delegacija obje zemlje radi konkretnijih dogovora o suradnji. Ovo je prvi korak ka informiranju o mogućnostima i jedne i druge zemlje, s obzirom da su mogućnosti privrede i tržišta do sada bile nepoznanica. S obzirom da je dosadašnja ekonomska suradnja na niskom nivou, organiziranje ovog susreta doprinosi afirmaciji i internacionalizaciji mogućnosti za ulaganja u Bosnu i Hercegovinu, kao i izvoza iz zemlje.

Predstavnici FIPA-e i VTK-a su ovom prilikom upoznali goste sa mogućnostima za ulaganje u BiH sa fokusom na sektore auto-industrije, metalnog sektora, poljoprivrede, energetike i IT, te izvozom iz BiH i trenutnoj vanjsko-trgovinskoj razmjeni između BiH i Meksika. Ambasador Meksika u Srbiji i BiH (uskoro se očekuje predaja akreditiva) NJE Marko Antonio Garsia Blanco je predstavio osnovne informacije o Meksiku, ističući da je ova zemlja 14. ekonomija u svijetu, sa skoro 2 miliona km<sup>2</sup> površine, i 129 miliona stanovnika, 12. ekonomija u svijetu po kupovnoj moći, i 15. po GDP-u. Od 2014 do 2016, zabilježili su priliv stranih ulaganja od 92,7 milijardi USD. U BiH istražuju mogućnosti za pronalazak lokalnih partnera za proizvodnju autodijelova. Ovom prilikom, VTK i Odbor poduzetnika Meksiko-BiH COMCE potpisali su Memorandum o suradnji. Dogovoreno je da FIPA i ProMexico (Agencija za strana ulaganja Meksika) također potpišu Memorandum o suradnji nakon što se provedu utvrđene procedure. Na sastanku su prisustvovali predstavnici FIPA-e, Ministarstva vanjskih poslova BiH, VTK, Vlade FBiH, Privredne komore FBiH, Privredne komore RS, predstavnici Agencije za strana ulaganja Meksika ProMexico, i predstavnici Odbora poduzetnika Meksiko – BiH COMCE.





## FIPA I GRADSKA UPRAVA GRADA SARAJEVA: SAMO ZAJEDNIČKI RAD NA PROMOCIJI INVESTICIJA GARANTIRA USPJEH



Na prijedlog gradonačelnika Grada Sarajeva Abdulaha Skake, direktor Agencije za unapređenje stranih investicija BiH (FIPA) Gordan Milinić i suradnici upriličili su posjetu čelniku Grada kako bi razgovarali o mogućnostima zajedničkog rada na promociji BiH kao investicione i turističke destinacije, i prezentiranju između ostalog i projekata Grada Sarajeva stranim investitorima sa kojima FIPA ostvaruje kontakte.

Direktor Milinić se osvrnuo na trenutne aktivnosti Agencije na polju promocije i privlačenja stranih investicija, suradnje sa nadležnim ministarstvima BiH na promociji BiH, uključujući ekonomsku diplomatiju koja ja intenzivirala rad u posljednjih nekoliko mjeseci na polju promocije zemlje, kao i medijsku kampanju „Invest in BiH“.

Razgovarano je i o medijskoj promociji BiH u inostranstvu koje Agencija provodi, trenutnoj suradnji sa stranim medijskim kućama, posjetama stranih novinara koje je FIPA ugostila i budućim planovima na medijskoj promociji. Gradonačelnik Skaka je govorio o planovima Uprave na privlačenju stranih investitora, pripremi investicionih projekata i medijskoj promociji Sarajeva kao turističke destinacije.

Dogovoreno je da Gradska uprava dostavi FIPA-i nove investicione projekte radi prezentiranja investitorima, suradnja na prezentiranju mogućnosti za ulaganje delegacijama koje posjećuju Upravu, kao i zajednički rad na promotivnim aktivnostima i razmjeni informacija. Sugovornici su istakli da samo zajednički rad može garantirati uspjeh.



## FIPA-MIP: INVESTITORI I TURISTI IZ INDIJE ISKAZUJU INTERES ZA BOSNOM I HERCEGOVINOM



Ambasador Bosne i Hercegovine u Indiji N.J.E. Sabit Subašić, u pratnji počasnog konzula BiH za Zapadni Bengal, Indija, i jednog od vodećih indijskih privrednika u drvnj industriji Sanjaya Agarwala razgovarao je sa direktorom Agencije za unapređenje stranih investicija BiH (FIPA) Gordanom Milinićem o povećanom interesu indijskih privrednika i turista za Bosnom i Hercegovinom. G. Agarwal se nalazi na čelu kompanije Century Plyboards Limited India koja se bavi proizvodnjom furnira i laminata i drugih proizvoda od drveta i broji 18.000 zaposlenih.

S obzirom na djelatnost kojom se bavi i konkurentnost drvnog sektora u BiH, indijski privrednik iskazao je interes za uvozom navedenih proizvoda iz BiH, i vina, kao i eventualnim poslovanjem u sektoru turizma, sa fokusom na izgradnju hotela. Dodatno, kao počasni konzul radit će na promociji bh. privrede i njenih mogućnosti za investiranje, kao i sektora koji bi mogli biti interesantni indijskim investitorima, te na online promociji Bosne i Hercegovine kao turističke destinacije u Indiji sa ciljem privlačenja turista u BiH.

Ambasador Subašić je između ostalog prenio i informaciju da je određeni broj indijskih investitora zainteresiran za eventualno otvaranje Fakulteta informacionih tehnologija u BiH, te da se na taj način omogući da se i studenti iz Indije školuju u BiH, što bi dodatno poboljšalo imidž naše zemlje u ovom dijelu svijeta. Kao rezultat rada bh. ambasade u Indiji, u aprilu 2017. se očekuje posjeta indijskih Bosni i Hercegovini kako bi se razgovaralo o mogućnostima suradnje i jačanja veza.

Predstavnici FIPA-e su goste upoznali sa raspoloživim projektima, investicionim lokacijama, statusom i pravima stranih investitora u BiH, uvjetima poslovanja, mogućnostima za ulaganje u BiH, te će omogućiti svaki vid komunikacije i susreta sa nadležnim institucijama u BiH u interesu ekonomskog rasta u zemlji.



## INVESTITORI IZ KUVAJTA POSJETILI FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je sa kuvajtskim investitorima i predstavnicima firme Al Dar National Real Estate o infrastrukturnim projektima za koje su zainteresirani poput projekata autoputa, brzih cesta, željeznica, aerodroma, te o projektima proizvodnje hrane, hotela, spa centara, kao i o njihovom iskustvu u poslovanju u BiH.

Kuvajtski investitori koji posluju u BiH ističu da bi investitori iz Kuvajta više ulagali u BiH ukoliko bi poslovni ambijent bio povoljniji i jednostavniji, te su govorili o njihovom iskustvu i poteškoćama koje su imali počev od osnivanja kompanije do realizacije projekta.

Prepreke su prevazišli, ali naglašavaju da investitori idu tamo gdje je jednostavnije poslovati.


Direktor Milinić je informirao goste da svi nivoi vlasti rade na unapređenju poslovnog ambijenta, što je imperativ na putu ka EU, i bez čega BiH ne može ostvariti značajniji ekonomski rast; da FIPA radi na predlaganju mjera za unapređenje poslovnog ambijenta, i da je u 2016 predložila 41 mjeru za poboljšanje poslovnog okruženja sa ciljem da BiH učini konkurentnijom investicionom destinacijom.

Istakao je činjenicu da je istraživanje koje je provelo Vijeće stranih investitora (FIC) pokazalo da 80% stranih investitora u BiH nastavlja sa investicijama, što nas dodatno ohrabruje da nastavimo sa provođenjem potrebnih reformi kako bi broj stranih investitora bio mnogo veći.





## BIZNIS FORUM FIPA-E I SVJETSKOG SAVEZA DIJASPORE BiH - ZAJEDNIČKI RAD NA PROMOCIJI BiH I PRIVLAČENJU STRANIH INVESTITORA



Agencija za unapređenje stranih investicija BiH (FIPA) i Svjetski savez dijaspore Bosne i Hercegovine organizirat će 21.4.2017. godine u Sarajevu Biznis forum sa ciljem promocije Bosne i Hercegovine kao investicione destinacije, prezentiranja mogućnosti za ulaganja i privlačenja stranih investicija.

FIPA uspješno surađuje sa Savezom dijaspore dugi niz godina i ističe značaj bh. dijaspore, s obzirom na njihov značajan broj u inostranstvu, na njihovo stečeno znanje i vještine, poslovne kontakte koje su ostvarili u inostranstvu kroz njihovo djelovanje i rad, kontakte sa institucijama zemalja u kojima djeluje, te kapital i poslovne rezultate po kojima je veliki broj postao prepoznatljiv u inostranoj poslovnoj zajednici. Rado ističe i uspješne poslovne briče koje je dijaspora realizirala u Bosni i Hercegovini.

Na forumu će govoriti i prisustvovati predstavnici Vijeća ministara BiH, FIPA-e, Svjetskog saveza dijaspore, Ministarstva ljudskih prava i izbjeglica BiH, Ministarstva vanjske trgovine i ekonomskih odnosa BiH, Vanjsko-trgovinske komore BiH, općina, privrednici iz BiH i inostranstva, i drugi.

Također, predstavnik FIPA-e će predstaviti male i srednje projekte iz turizma, poljoprivrede, metalnog sektora, i tekstilnog sektora koji bi mogli biti interesantni dijaspori i njihovim poslovnim partnerima koji će prisustvovati forumu.

Na forumu će se između ostalog govoriti i o mogućnostima za proširenje suradnje među privrednicima.

FIPA ističe činjenicu da bh. dijaspora ima značajan broj istaknutih privrednika koji bi mogli dati svoj doprinos razvoju BiH, te stoga zaslužuju da im se posveti posebna pažnja.



## STVARANJE NOVIH RADNIH MJESTA PRIORITET FIPA-E



Nastavljajući praksu pružanja podrške stranim investitorima u BiH, predstavnici Agencije za unapređenje stranih investicija BiH (FIPA) na čelu sa direktorom Gordanom Milinićem organizirali su susret sa nekoliko investitora iz UAE koje predvodi šejk Mohammad bin Saqr Al Qasimi kako bi se informirali o do sada realiziranim investicijama, budućim planovima kao i o eventualnim administrativnim preprekama u BiH. Na sastanku je bilo riječi o projektu Sunnyland na čijoj realizaciji je radilo 500 ljudi, trenutno je zaposlenih 80, dok je vrijednost investicije 15 miliona KM. Razgovarano je i o pripremi narednih projekata koji će ovi investitori realizirati u oblasti turizma u BiH, te istaknut značaj do sada otvorenih novih radnih mjesta pri trenutnoj ekonomskoj situaciji u zemlji, i budućih kroz pokretanje novih investicija.

Investitori su istakli da se u toku realizacije investicije nisu suočavali s administrativnim preprekama niti problemima druge prirode. Bosnu i Hercegovinu smatraju svojom drugom zemljom i čine sve kako bi animirali svoje poslovne partnere da investiraju u BiH.

Istakli su da usko surađuju sa investitorima iz Kuvajta i Kine koje su pozvali da investiraju u BiH, kao i činjenicu da su svojim zalaganjem doprinijeli povećanju broja turista u BiH iz zemalja Golskog zaljeva otvarajući direktne linije iz UAE za Sarajevo. Određeni broj ovih turista, su se vratili ponovo u BiH, ali ovaj put kao investitori, među kojima je bio i sam šejk Al Qasimi. U prilog navedenom istakao je da je prije deset godina u BiH dolazilo godišnje tek petstotinjak turista iz UAE, a da već sada imamo po 500 turista dnevno iz UAE koji dolaze u BiH, što ima veliki značaj za razvoj bh. turizma i pratećih djelatnosti. Direktor Milinić uručio je investitorima priznanja u znak zahvalnosti za njihov doprinos razvoju privrede BiH i povećanja broja zaposlenih u zemlji, te pozvao šejka Al Qasimija da tješnje surađuju na planu dovođenja investitora iz ovog dijela svijeta, kao i investitora Rashida Murada Tahera Albaloooshija kojem je također uručeno priznanje. FIPA, kao glavna adresa za strana ulaganja u BiH, stoji na raspolaganju svim potencijalnim investitorima sa ciljem pružanja podrške oko realizacije investicija i informacija o mogućnostima ulaganja.





## FIPA: OSTVARENI PRVI KONTAKTI SA PREDSTAVNICIMA JUŽNOAFRIČKE REPUBLIKE



Direktor Agencije za unapređenje stranih investicija BiH (FIPA) Gordan Milinić po prvi put je ugostio u FIPA-i nerezidentne predstavnike ambasade Južnoafričke Republike, koji pokrivaju BiH iz Grčke, konzula Lianu Hattingh i prvog sekretara Marksa Mmutiana kako bi ih upoznao sa mogućnostima poslovanja u BiH i uspostavljanja suradnje između privrednika dviju zemalja. Direktor Milinić goste najprije informirao o nadležnostima i aktivnostima FIPA-e na polju privlačenja stranih investitora, postojećoj suradnji sa investitorima, lokacijama za investiranje, kao i o bazi trenutno raspoloživih 250 investicionih projekata.

Predstavnici Južnoafričke Republike su se interesirali za mogućnosti ulaganja u bh. sektorima energetike, poljoprivrede, metalne industrije, kao i tekstilne i drvoprerađivačke.

Kako bi dodatno informirali goste o bh. mogućnostima, održana je generalna prezentacija o BiH, razlozima za investiranje, prilivu stranih ulaganja i vodećim investitorima u zemlji, kao i ugovorima o slobodnoj trgovini, ističući između ostalog konkurentske prednosti BiH u odnosu na zemlje okruženja i EU kada je riječ o poreznom sistemu i troškovima poslovanja.

Gostima su uručeni promotivni materijali, a dogovorena je dalja razmjena informacija o mogućnostima povezivanja investitora koja bi trebala rezultirati organiziranjem privrednih foruma između BiH i Južnoafričke Republike.



## FIPA ORGANIZIRALA PREZENTACIJU O NAJSAVREMENIJOJ TEHNOLOGIJI TRETIRANJA OTPADA SA FOKUSOM NA „PLAZMA TEHNOLOGIJU“



Agencija za unapređenje stranih investicija BiH (FIPA) organizirala je sastanak sa predstavnicima gradova i općina u BiH i Vienna Holdinga radi prezentiranja najsavremenije tehnologije u tretiranju otpada pod nazivom „Plazma tehnologija“ koja se, u posljednjih deset godina, primjenjuje u najrazvijenijim zemljama EU poput : Austrije, Njemačke, Francuske, Italije, Švedske, Danske i Norveške.

Vienna Holding je renomirana firma koja je do sada realizirala 28 projekata „Plazma tehnologije“, od kojih su najznačajniji realizirani u Beču i Štokholmu.

Ove projekte je moguće realizirati kroz javno-privatno partnerstvo JPP, formiranje zajedničke firme ili kroz povoljan kreditni aranžman zavisno od nivoa pripremljenosti projekta.

Vienna Holding u suradnji s investicionim fondom iz SAD može doprinijeti da se ova tehnologija implementira i u Bosni i Hercegovini. Stoga je FIPA inicirala ovaj sastanak kako bi se nadležni u BiH upoznali sa ovom tehnologijom, s obzirom na problematiku koja se tiče tretiranja otpada i nepostojanja uređenih deponija u BiH, te kako bi zajedno sa Vienna Holdingom mogli razmijeniti mišljenja i razgovarati o mogućnosti uspostavljanja suradnje.

Ova tehnologija je poznata po tome što tretira sve vrste otpada bez sortiranja organskog i neorganskog, što potpuno razlaže otpad, nema katrana, furana, dioksina niti pepela za razliku od konvencionalne i klasične tehnologije. Po toni otpada proizvodi 816 kilovata energije. Razgovori o ovom projektu će se nastaviti u BiH.



## NOVOIMENOVANI AMBASADOR BiH U AUSTRALIJI POSJETIO FIPA-U




Direktor FIPA-e Gordan Milinić razgovarao je sa novoimenovanim ambasadorom BiH u Australiji Mirzom Hajrićem o suradnji na promociji Bosne i Hercegovine i njenih potencijala u Australiji. Razgovarano je i o mogućnostima animiranja australijskih investitora u Europi da posjete BiH i upoznaju se sa mogućnostima za ulaganja.

Dosadašnje investicije iz Australije u BiH su veoma niske, te stoga postoji mogućnosti za njihovo unapređenje. Sugovornici su se složili da veliki potencijal za privlačenje investicija leži i u bh.dijaspori koja u Australiji broji oko 50.000 osoba. Dogovoren je nastavak suradnje i pružanje informacija koji se tiču sfere stranih ulaganja i raspoloživih investicijskih projekata.





## ODRŽAN RADNI SASTANAK SA BH. PRIVREDNICIMA NA TEMU: „REINVESTIRANJE U SEKTORE VOĆA I POVRĆA U BIH“



U Federalnom zavodu za poljoprivredu u Sarajevu, 16. marta 2017. godine, održan je radni sastanak sa bh. privrednicima sa ciljem predavljanja mogućnosti za reinvestiranje u sektore voća i povrća u BiH.

S obzirom na činjenicu da postoji veliki nesrazmjer između potencijala i ostvarenih rezultata u poljoprivredi BiH, predstavnici Agencije za unapređenje stranih investicija u BiH (FIPA) prezentirali su razloge zašto (re)investirati u BiH sa ciljem motiviranja postojećih investitora na dalja ulaganja.

Predstavnici Federalnog ministarstva poljoprivrede, vodoprivrede i šumarstva tokom svojih izlaganja promovirali su mogućnosti investiranja u sektore voća i povrća u BiH za čiju proizvodnju postoje izuzetni potencijali, ističući i značajna sredstva koja Ministarstvo izdvaja za podršku proizvodnji ovih poljoprivrednih proizvoda.

Tom prilikom, predstavnici stranih i domaćih kompanija (Elisa Berry doo i BH Food doo) su podijelili svoja dosadašnja iskustva vezana za poslovanje u sektoru voća i povrća.



## FIPA UČESTVUJE NA MEĐUNARODNOM PRIVRED- NOM SAJAMU EXPO RUSIJA – BALKAN 2017




U okviru 4. Međunarodnog privrednog sajma EXPO RUSSIA – BALKAN 2017 koji se održava u Beogradu od 15. do 17. marta 2017, direktor Agencije za unapređenje stranih investicija u BiH Gordan Milinić održao je prezentaciju o mogućnostima ulaganja u BiH u sklopu foruma „The Economic Development Perspective of the National Economies of Balkan Region and Russia“. Direktor Milinić je tokom prezentacije upoznao potencijalne investitore o bh. ugovorima o slobodnoj i preferencijalnoj trgovini, niskim troškovima poslovanja i najnižom stopom porezan na dobit kompanija u regionu i šire, te drugim pogodnostima koje Bosna i Hercegovina nudi investitorima. Na sajmu je učestvovao veliki broj kompanija iz Rusije i regiona.

Pored zvaničnih prezentacija, FIPA predstavnici su održali sastanke sa potencijalnim investitorima iz Rusije, koji su poseban interes pokazali za energetske i metalo prerađivački sektor.



## MILINIĆ-GELO: FOKUS NA PRIVLAČENJU INVESTICIJA IZ ITALIJE



Direktor Agencije za unapređenje stranih investicija BiH (FIPA) Gordan Milinić upoznao je novoimenovanog ambasadora BiH u Italiji Josipa Gelo o trenutnoj situaciji vezanoj za italijanska ulaganja u BiH, suradnji sa italijanskim investitorima koji su već prisutni na tržištu BiH, kao i aktivnostima FIPA na privlačenju stranih investitora. Na tom planu istaknuta je i predstojeća Outreach kampanja u Italiji predviđena za april 2017, koja podrazumijeva obavljanje direktnih posjeta italijanskim firmama kojima će se ponuditi mogućnosti za ulaganje u poljoprivrednu i prehrambenu industriju BiH.

Ambasador Gelo je upoznat sa činjenicom da se Italija nalazi na 11. mjestu kada je u pitanju priliv stranih ulaganja, sa uloženi 354 miliona KM, te da su najznačajnije italijanske investicije realizirane u metalnom sektoru i tekstilnom sa fokusom na proizvodnju obuće. Također je informiran o prednostima poslovanja u BiH u odnosu na europske zemlje poput stope poreza na dobit od 10%, konkurentne cijene električne energije, raspoloživosti proizvodnih objekata po povoljnim cijenama, kao i radne snage, što je važno isticati u kontaktima sa investitorima.

Naglašena je potreba jačanja ekonomske diplomatije sa ciljem privlačenja stranih investicija i povećanja izvoza iz BiH, te činjenica da se na tom planu vrši obuka ekonomskih savjetnika koji će biti upućeni u DKP mrežu radi poboljšanja rada u navedenim oblastima.

G. Milinić je zaželio ambasadoru uspješnu misiju uz želju za ostvarenjem što više kontakata sa potencijalnim investitorima u Italiji, a koje će uputiti na FIPA-u radi realizacije investicija.





## PREDSJEDNIK UO PRIVREDNE KOMORE ŠVEDSKE U BIH U FIPA-I



Direktor Agencije za unapređenje stranih investicija BiH (FIPA) Gordan Milinić razgovarao je sa predsjednikom Upravnog odbora Privredne komore Švedske u BiH Adnanom Hadžićem o suradnji na povećanju švedskih investicija u BiH, kao i o postojećim švedskim firmama koje posluju na tržištu BiH i problemima sa kojima se suočavaju ovdje.

Komora trenutno broji 67 firmi koje posluju u oblasti IT-a, poljoprivrede, metalnog i drvnog sektora, a neke od uspješnijih švedskih firmi u BiH su : Zinkteknik, Natural Food, Maguba, itd.

G. Hadžić je istakao nedostatak IT kadra u BiH kao jednu od prepreka za snažnije prisustvo švedskih firmi u IT sektoru, političku nestabilnost koja tjera investitore iz BiH, kao i negativnu percepciju o zemlji kao investicionoj destinaciji.

Dogovoreno je da se FIPA uključi u manifestaciju „Dani stranih tržišta“ na kojoj će u augustu 2017 Privredna komora okupiti kompanije u istočnoj Švedskoj radi prezentacije mogućnosti za ulaganje u BiH, sa fokusom na IT sektor. Radi se i na ideji formiranja privrednog fonda bh. dijaspore u Švedskoj za investiranje u BiH.

FIPA usko surađuje sa komorom, te će pružiti svu potrebnu podršku za značajnije prisustvo švedskih kompanija u našoj zemlji.

# POSLOVNE VIJESTI ≡



ŠVEDSKI KAVAT ŠIRI PROIZVODNJU U BIH



SVJETSKI GIGANT 'ACCORHOTELS' STIŽE U BIH I OTVARA  
HOTEL U TARČINU



...I JOŠ FIPA POSLOVNIH VIJESTI...



## ŠVEDSKI KAVAT ŠIRI PROIZVODNJU U BIH

Švedska kompanija Kavat, koja slovi kao jedan od najpoznatijih brendova obuće za djecu, planira i dalje širiti svoju proizvodnju u BiH. Planiraju graditi svoju novu proizvodnu halu na 13.000 m<sup>2</sup> u novoj industrijskoj zoni Neubarje kod Novog Travnika u koju će prebaciti kompletnu proizvodnju koja se trenutno nalazi u Travniku.

Investicija bi trebala iznositi oko tri miliona KM. Početak izgradnje objekta se očekuje polovinom marta. Planiraju povećanje zaposlenih sa sadašnjih 150 na 200.

Kavat izvozi 98 posto svoje proizvodnje. Glavno tržište su im skandinavske zemlje, a osim njih izvoze na tržište Njemačke, Austrije, Belgije i Rusije.

Što se tiče proizvodnje dječije obuće ova kompanija spada među najjače u Europi. Prva je dobila certifikat za proizvodnju čiste, ekološke obuće. Rade s biorazgradivim materijalima, a imaju ISO: 9001 i ISO: 14001 certifikat.

Kompanija ima tradiciju u proizvodnji obuće za djecu i omladinu dugu 72 godine, a u BiH su sa proizvodnjom počeli 2009. kada su osnovali firmu u Travniku.





## SVJETSKI GIGANT 'ACCORHOTELS' STIŽE U BIH I OTVARA HOTEL U TARČINU

Jedan od najvećih svjetskih lanaca hotela "AccorHotels" stiže u Bosnu i Hercegovinu, potvrđeno je iz kompanije Orbis Group. Orbis Group je otkupila licencu od kompanije AccorHotels koja je globalni lanac hotela koji posluje u 94 države svijeta. Sjedište joj je u Parizu, a oko 3.700 hotela je ili u vlasništvu firme ili je franšizirano drugim kompanijama. Hotel će biti izgrađen pod brandom „MGallery by Sofitel“, a radovi su već započeti u Tarčinu. Otvaranje hotela je planirano već u septembru ove godine. Investitor je International Development Company.

"AccorHotels" je multinacionalna kompanija sa sjedištem u Francuskoj koja ima 3.700 hotela u čak 94 zemlje svijeta, i promet koji se mjeri milijardama dolara.

Hotel i spa centar će biti izgrađeni na parceli od oko 35 hektara u Tarčinu u okolini Sarajeva, udaljen 15 minuta od Međunarodnog aerodrom. Imat će baze, spa, fitness centar i konferencijske dvorane.

Prvi čovjek velike svjetske grupacije Orbis Group Gilles Clavie ovim povodom istakao je da ulaze na tržište na kojem do sada nisu bili prisutni, ali u njemu vidi potencija.



## IZGRADNJA TVORNICE B-SPRING U LIVNU

Izgradnja proizvodnog pogona firme B-Spring u Privrednoj zoni Begovača u Livnu trebala bi uskoro početi.

Gradit će se objekt od 2100 kvadrata kapaciteta za 30 uposlenih u jednoj smjeni. Vrijednost samog objekta je od 2,5 do 3 miliona KM u koju će biti instalirana najnovina tehnologija.

Firmu B-Spring osnovala je grupacija Mecaspring iz Belgije. Riječ je o vodećem proizvođaču opruga u zemljama Beneluksa. Osnovna djelatnost ove firme je proizvodnja opruga i alata za sve industrije, posebno za avio i autoindustriju.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,  
KOJE SU BESPLATNE, KONTAKTIRAJTE NAS  
DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)



A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)